

欽定大清會典圖

欽定大清會典圖卷一百四十一

輿地三

保定府圖


承德府圖

保

定

府

圖



保定府為直隸省治至

京師三百三十里領州二縣十四治清苑東安州
南蠡縣東南高陽西南完縣唐縣望都祁州博
野束鹿西北滿城東北安肅容城定興新城雄
縣西淀在府東匯境內諸水東出為大清河即
會同河入順天府保定縣界唐河即澆河自易
州廣昌縣入界經唐縣西北倒馬關曲折東南
流右納鴻上水左納倒流河水又南恆河自易
州曲陽縣來東流注之又經伏城村馬塗河亦
自曲陽縣來注之又南支渠東出為廣利渠經

縣南及完縣南會祁河。其正渠南流錯入定州
界分二支。南支由祁州南入豬龍河北支東流
復經望都縣南府治南蠡縣北高陽縣西至安
州西南陽城河出望都縣西北九龍泉經縣南
府治南東流注之。又東北經安州西會府河。河
即清苑河。出滿城縣南一畝泉。東南流環府治
北通徐河。又東流祁河出完縣西伊祁山合故
水河廣利渠蒲河。經滿城縣南歧為二為金綫
河為白草溝。並東北流注之。又東會唐河。唐河
又東北流經安州西北。曹河上游曰徐河。自易

州東南流入界。經滿城縣北安肅縣南東南流。
注之。折東流經州北為依城河。又東受電河。河
自易州東南流入界。經安肅縣西北右納曲村
水。又經縣治西支津東南出。經治南安州北。注
雜淀。正渠東經縣北雞爪泉出。定興縣西南南
流。注之。又東經容城縣西。折南經安州西北。支
津東出為新河。合萍水及大激淀水。東南流匯
西淀。正渠穿雜淀東南流。注依城河。依城河又
東環新安鎮北通大激淀。又東會緒龍河水。濬
為西淀。又東經雄縣南東流為大清河。會白溝


河東北流入順天府保定縣界其由西淀分支而東北出者為趙王河亦入保定縣界。澁河南支及沙河濱河三水並由定州東流入界經祁州南三岔口匯為豬龍河。東北流經博野縣蠡縣高陽縣東南至安州東匯於西淀。白溝河上源為拒馬河。自易州淶水縣東南流入界經定興縣西易水白澗河並自易州東南流來會。又東南左納馬村河。又東南經容城縣北又東經新城縣南白溝河鎮其支津自順天府固安縣來經新城縣東十九岱南出為盧僧引河。又西


南合斗門河來會。是為白溝河。東南流經容城縣東雄縣西。至王克橋東出為王克橋引河。合盧僧引河東南流亦入保定縣界。正渠折東經縣南。又東會大清河。府東及東北界順天府。南界深州。西界定州。北界易州。東南界河間府。西南界正定府。趙州。冀州。西北亦界正定府。

承德府圖

一

中






承德府圖二

右中


一




承德府圖三

中北

一






承德府圖

四

右北

一一



承德府在省治東北七百八十里至

京師四百二十里領廳一州一縣五東南平泉州
西南灤平東北赤峰建昌朝陽西北圍場廳豐
甯潢河一名遼河即錫喇穆倫自克什克騰旗
東流入界經赤峰縣北建昌縣東北受老哈河
河一名土河上源曰察罕河出平泉州北東北
流霍爾霍克河出州北霍爾霍克山巴爾喀河
亦出州北俱東流注之又經建昌縣東北英金
河出圓場東北合努古岱河巴顏穆敦河東南
流西爾哈河出圓場東南合錫伯河東北流二

水經赤峰縣西合東流左納卓索河來注之。又北伯爾克河俗名羊腸子河出圓場東流注之。又北入潢河。潢河又東入奈曼旗界。濁河即上都河古濡水自多倫諾爾廳東南流入界。經豐甯縣西北。又東經縣北庫爾奇勒河即小濁河出圓場西北合鄂倫哲依圖察罕河塔本陀羅海河南流注之。始名濁河又經縣東至濁平縣西北興州河出豐甯縣西北沙爾呼山東南流注之。又東南經縣北伊遜河出圓場西南合書庫里河大小覺河孫几圖河西南流伊瑪圖川

亦出圍場西南永安澗合七老圖河孟金溝上
克溝東南流二水經豐甯縣東合南流來注之
又經府治南受熱河河即武列水其源三。一曰
固都爾呼河出豐甯縣東北。一曰茅溝河亦曰
默沁河出治東北。一曰賽音郭勒河出霍爾霍
克山西南之三道溝合南流經治東南溫泉出
治西南東流注之又南注灤河灤河又東右納
白河。又經下板城西折南流左納老牛河。又南
柳河出邊內東北流注之又南入永平府遷安
縣界烏勒呼馬梁水出平泉州東北車輪窖水

出州西北經州南合南流為瀑河。漆河即青龍河出建昌縣西南黃花川黑河俱出府治東南四水並南流入永平府遷安縣界注灤河。白河黑河並自獨石口廳東南流入界。經灤平縣西南入順天府密雲縣界。潮河出豐甯縣西北東南流經縣西及灤平縣西又西南亦入密雲縣界。大凌河即傲穆倫三源俱出建昌縣南源出土心塔中源出縣西南北源出縣西北合北流折東經朝陽縣西南卑魯克河東南流注之又經縣南又東經老貝子府受圖爾根河河即北

土河出縣北。南流經鄂爾土阪司西卓索河出
縣北輝果爾山東南流注之。又南什巴爾台河
出縣北多倫和爾碩山亦東南流注之。又東南
注大凌河。大凌河折東南經九關台門入

盛京錦州府義州界。小凌河即明安穆倫出朝陽
縣西明安喀喇山三泉合東南流入錦州府錦
縣界。湯河大水谷河雁溪河俱出灤平縣南入
順天府密雲縣界。圍場在府西北內興安嶺在
圍場北府東界。

盛京奉天府錦州府。南界遵化州。西界獨石口廳。

北界圍場東北界內蒙古巴林旗阿魯科爾沁
旗科爾沁左翼旗東南界永平府西北界多倫
諾爾廳西南界順天府宣化府

欽定大清會典圖卷一百四十二

輿地四

永平府圖

河間府圖


天津府圖


正定府圖

永
平

府

圖





永平府在省治東北八百三十里至

京師五百五十里領州一縣六治盧龍東撫甯臨榆南樂亭東南昌黎西南灤州西北遷安海在

府南東接奉天錦州府甯遠州界為臨榆縣南境有秦王島及老龍頭諸島又西為撫甯縣東

南境又南為昌黎縣東南境又西為樂亭縣南境有石臼陀月陀諸島又西為灤州西南境有

曹妃殿諸島又西接遵化州豐潤縣界灤河自

承德府東南流入界經遷安縣西北黃花川自

承德府東來注之清河瀑河並自承德府西南

來注之。又南入邊黑河自承德府來瀝河自遵化州來合東南流注之。又南折東長河出遷安縣北邊外西南流注之。經縣西又東南至府治西南受青龍河。河一曰漆河自承德府建昌縣南流入界。經遷安縣東北會河合東北諸山水西流注之。又南經桃林口入邊。又西南經縣東南白羊河出縣北白羊峪沙河出縣北都山合東南流注之。又南經府治西注灤河。灤河又南過偏涼汀經灤州治東。又東南經樂亭縣西北有南出故道自清河口入於海。灤河又東南經


昌黎縣南樂亭縣東分流自甜水溝口浪窩口
老米溝口入於海沙河上流曰飲馬河出盧龍
縣東南南流經昌黎縣西折東經縣南又東南
自蒲河口入於海東陽河出撫甯縣北由界嶺
口南流入邊又西南經檣頭營南西陽河出縣
西北合燕河東流來會又南松流河飲馬河俱
出縣西南合東北流注之又經縣南東南流自
陽河口入於海渝河一名沙河出撫甯縣東北
南流自戴家河口入於海石河一名渝河二源
出臨榆縣北邊外湯河亦出縣西北並南流入

於海九門河出臨榆縣東北東南流入甯遠州界清河出灤州西五子山南南流大沂河小沂河合諸泡水來會又南經公案橋東又南自大清河口入於海沂河故道自倴城南流入於海潮河出灤州西南南流入於海沙河出遷安縣西南南流經灤州西又西南入遵化州豐潤縣界陡河一曰館水出遷安縣館山西南流經灤州西右納唐家河及豐潤縣來之板橋河經開平鎮西又南左納石溜河經稻地鎮又南入豐潤縣界還鄉河出遷安縣西北黃山麓泉莊西

南流入豐潤縣界。山海關在府東。府東界
盛京錦州府。南及東南界海。西北至西南界遵化
州。北及東北界承德府。

河間府圖

NAME DATE							
1							
2							
3							
4							
5							
6							
7							
8							
9							
10							
11							
12							
13							
14							
15							
16							
17							
18							
19							
20							
21							
22							
23							
24							
25							
26							
27							
28							
29							
30							
31							
32							
33							
34							
35							
36							
37							
38							
39							
40							
41							
42							
43							
44							
45							
46							
47							
48							
49							
50							
51							
52							
53							
54							
55							
56							
57							
58							
59							
60							
61							
62							
63							
64							
65							
66							
67							
68							
69							
70							
71							
72							
73							
74							
75							
76							
77							
78							
79							
80							
81							
82							
83							
84							
85							
86							
87							
88							
89							
90							
91							
92							
93							
94							
95							
96							
97							
98							
99							
100							




河間府在省治東一百四十里至

京師四百一十里領州一縣十治河間南獻縣故城西肅甯北任邱東南交河阜城東光景州吳橋甯津西淀在府北境匯保定府境諸水東流為大清河仍入保定府雄縣界滹沱河自深州銳陽縣東流入界經獻縣西滏陽河自深州武強縣東北流來會為子牙河又東經縣北又東北經府治東又東北入順天府大城縣界黑龍港在獻縣東東北流經府治東又東北入天津府青縣界其中支東支在獻縣東並東入青縣

界南運河自山東臨清州武城縣東北流經故城縣南緣界東北流錯入山東濟南府德州界復經景州東吳橋縣西北過連鎮又經東光縣西過霞口又經交河縣東其南為天津府南皮縣界又東北入天津府滄州界宣惠河自德州東北流入界經吳橋縣西東光縣東沙河亦自吳橋縣東北流注之又東流入南皮縣界古黃河即四女寺減河鉤盤河即哨馬營減河並分南運河水自德州東北流入界經吳橋縣東南合東北流經甯津縣西北入天津府南皮縣界

古沙河曲流河並出故城縣西境北流經景州治北合流復分並稱漫河經阜城縣東東光縣西再合北流行古漳河道經交河縣東又東北入青縣界府東界天津府南界山東臨青州西至北界保定府東北界順天府東南界山東武定府濟南府東昌府西南界深州冀州

天津府圖



天津府在省治東四百六十里至

京師二百五十里領州一縣六治天津南鹽山東
南慶雲西南靜海青縣滄州南皮海在府治東
南北接順天府甯河縣界為天津縣東南境又
南為滄州東北境又東南為鹽山縣東北境又
東南接山東武定府海豐縣界海河即直沽在
治城外其上曰三會海口俗曰三岔口總匯北
運永定大清子牙南運五河曲折東南流合西
出各引河及新官屯引河自大沽口入於海北
運河自順天府武清縣入界南流經治北注海

河永定河亦自武清縣入界東南流經治西北
鳳河亦自其縣來會又東南玉帶河辛張河自
順天府大城縣霸州入界合東流仍名大清河
經靜海縣西東北流來會又東經治北注海河
子牙河亦自大城縣東北流入界經靜海縣西
復錯入其縣界又北經獨流鎮受黑龍港河河
三支並自河間府河間縣獻縣來經青縣西古
漳河水亦自河間府交河縣來注之又東北錯
入大城縣界合流復經縣西及靜海縣西北注
子牙河子牙河又東北經治北注海河南運河


自河間府東光縣北流入界。經南皮縣西滄州
西南支津東出為捷地減河。又北經縣西青縣
東南復東出支津為興濟減河。並東流自歧口
入於海。南運河又經靜海縣南復東出支津為
斬官屯減河。東北流經天津縣東南注海河。南
運河經縣西又東北經府治北注海河。楊家河
在滄州東北東流過母豬港會石碑河。河即王
莽河一名馬頰河。自南皮縣承宣惠河分流東
北匯縣西諸窪水。又東北經滄州東北入於海。
宣惠河自河間府東光縣東流入界。經南皮縣

東南支津北出為石碑河。其正渠東經滄州東南鹽山縣南。又東左納明白窪水。右納無棣溝水。又東入山東武定府海豐縣界。會古黃河。古黃河一名高津河。即四女寺減河。自河間府甯津縣東北流入界。經南皮縣東南鹽山縣南。錯入武定府樂陵縣界。復經慶雲縣南。東北流經鹽山縣東。亦入海豐縣界。入大河口。馬頰河自樂陵縣東流入界。經慶雲縣南。亦入海豐縣界。涓河淀在治東北。北受筐兒港引河西承直沽各引河東出。引河入順天府甯河縣界。府東至

西北俱界順天府。南及東南界山東武定府及

海西南界河間府。

正定府圖



正定府在省治西南二百九十里至

京師六百一十里領州一縣十三治正定南藥城
北行唐東南藁城晉州西南獲鹿元氏贊皇井
陘東北無極新樂西北平山靈壽阜平滹沱河
自山西平定州孟縣東流入界經平山縣西北
卧石口東南流右納沕沕水又東經縣北受冶
河河上流為西韓河一曰縣蔓水自山西平定
州東流入界經井陘縣西南娘子關東流甘淘
河一曰沽水亦自平定州經楊莊口北流來會
又東右納金珠泉水折北經平山縣西北注滹

沱河。滹沱河又東經靈壽縣西南松陽河二源出縣西北合南流注之。又東衛河出縣東北南流注之。又東南經府治南。又經藁城縣西北。只照河出府治西北曰小鳴泉大鳴泉韓泉周泉合東南流注之。又經縣北折東北流經無極縣南晉州北入定州深澤縣界沙河即派水自山西代州繁峙縣東南流經阜平縣西北大砦口入界。又東南靈邱河自山西大同府靈邱縣西南來注之。又南北流河自龍泉關東流注之。又東經大派山折南流經縣南。又東至方太口鶴

子河亦自靈邱縣南流來注之。又東至王柳口
板峪河出縣東北大茂山南流注之。又東胭脂
河出縣西南青竿嶺合當城河東北流注之。又
東錯入定州曲陽縣界合平陽河復經行唐縣
東北右納曲河又南流折東經新樂縣南又東
都河出行唐縣西北兩嶺口合甘泉河沙溝龍
門溝賈木溝龍泉諸水東南流注之。又東入定
州界滋河即慈河自代州五臺縣東南流經靈
壽縣西北白草山口入界又經縣西北左納汎
河右納慈峪河又東南經行唐縣西南至新樂

縣西南行木刀溝舊瀆左納惠民渠水東南流
經無極縣西北大戶村分二支北支經縣北南
支經縣南並東入深澤縣界洨河出獲鹿縣南
五峰山金河亦出縣南金珠山合東南流經樂
城縣西北沙河金水河並出元氏縣西北東流
注之又東南入趙州界豬龍河上承元氏縣西
北山水東流經縣北亦入趙州界槐河出贊皇
縣西南匯黃沙嶺水段嶺口水野孤泉水紙糊
套山水東流經縣北又經元氏縣南泜水二源
北出元氏縣無極山南出贊皇縣四望可闢二

山合東南流注之。又東南入趙州高邑縣界。沛
水出贊皇縣西南。贊皇山東北流經縣南。又東
亦入高邑縣界。封龍山在元氏縣北。贊皇山在
贊皇縣西南。府東至北界定州。南界趙州。西及
西南界山西平定州。西北界保定府易州及山
西大同府代州。東南亦界保定府。

欽定大清會典圖卷一百四十三

輿地五

順德府圖

廣平府圖

大名府圖


宣化府圖

順

德

府

圖



順德府在省治西南五百七十里至


京師一千里領縣九治邢臺東廣宗南沙河北內邱東南南和平鄉東北任縣唐山鉅鹿大陸澤即南泊在任縣東北匯劉累河洺河南北沙河七里河牛尾河柳林河李陽河北流為新澧河入趙州界其東出支河為雞爪河入滏陽河滏陽河自廣平府雞澤縣北流入界經平鄉縣東任縣東北合雞爪河又北經鉅鹿縣西北入趙州隆平縣界劉累河亦自雞澤縣北流入界經南和縣東平鄉縣西任縣東北匯於澤潞河亦


自雞澤縣北流入界。經南和縣東任縣東北匯於澤。沙河即古澠水二支。北支自山西遼州東南流由大嶺口入界。南支自河南彰德府武安縣東流由黃背巖入界。俱經沙河縣西合東流。洪河一名龍門川。出邢台縣西匯諸山水東南流注之。又經縣西南復分二支。北支東經南和縣南。南支錯入廣平府永年雞澤二縣界。復北經南和縣東南俱北流經任縣東北匯於澤。七里河出邢台縣西北經府治南百泉河出治東南北流注之。又東經南和縣西。又東北經任縣

東南又北匯於澤。達活野狐二泉俱出邢臺縣西北合東流為鴛鴦水即牛尾河經治北沙底河出邢臺縣西火石岡東流注之。又東北經任縣西北又東北匯於澤。柳林河一名馬河即馮河出內邱縣西龍騰山東流經縣南唐山縣西南任縣東北匯於澤。泜河二源北源在趙州臨城縣南源出內邱縣胡姑腦兒山東北流錯入臨城縣界會北源復經縣北又經唐山縣北入趙州隆平縣界府東至南界廣平府西及西北界山西遼州北界趙州西南界河南彰德府東

北界冀州

廣
平
府
圖






廣平府在省治西南六百八十里至


京師九百五十里領州一縣九治永年南成安東
南肥鄉廣平西南邯鄲磁州東北曲周雞澤咸
縣清河滏陽河二源並在磁州西北出石鼓山
晉祠廟南出神麌山黑龍洞合東流經州南折
北流牤牛河二源亦出州西北合東流注之又
北澗河亦出州西北東流注之又北經邯鄲縣
東渚河出縣西南沁河出縣西輸龜河出縣西
北並東流注之折東經府治西南溢而北出為
劉累河北流經雞澤縣西入順德府南和縣界

正渠東經府治南東北經曲周縣南又東折北
經雞澤縣東入順德府平鄉縣界沿河自河南
彰德府武安縣東流入界經府治北折東北經
雞澤縣西又北入順德府南和縣界沙河自順
德府沙河縣東南流入界經府治北雞澤縣西
東北流亦入南和縣界南運河自山東臨清州
緣界北流經清河縣東境又北入臨清州武城
縣界漳河自河南彰德府安陽縣緣界東流經
磁州南境又東入彰德府臨漳縣界府東界山
東臨清州西至南界河南彰德府北及西北界

順德府東南界大名府山東東昌府東北界冀
州

大
名
府
圖





大名府在省治南八百里。至

京師一千一百二十里。領州一縣六治元城大名
南清豐東明東南南樂西南開州長垣黃河自
河南開封府蘭儀縣北流入界經長垣縣東又
東北經東明縣西開州南徐鎮西北東北流入
山東曹州府濮州界衛河自河南彰德府內黃
縣東北流入界經清豐縣西北大名縣西南南
樂縣西復經大名縣東南漳河自河南彰德府
臨漳縣來東流經大名縣西錯入彰德府內黃
縣界復東流來會又東北經龍王廟西又經元


城縣東。東北流入山東東昌府館陶縣界。府東及東南界山東曹州府。南界河南歸德府。西界河南彰德府。北及東北界山東東昌府。西南界河南開封衛輝二府。西北界廣平府。


宣

化

府

圖





宣化府在省治西北七百里。至

京師三百四十里。領州三縣。治宣化。東南保安
州。懷來。延慶州。西南懷安。西甯蔚州。東北龍門
赤城。西北萬全。桑乾河即渾河。自山西大同府
天鎮縣東流入界。經西甯縣西南虎溝河亦自
天鎮縣來南流注之。經曲長城又東。滌河合諸
泉水出縣西北南流注之。車廠水出縣南北流
注之。又東左納諸山泉右納大溝河。又東受壺
流河。河即祁夷水。自山西大同府廣靈縣東流
入界。經蔚州西。又經州北。又東七里河出州南

北流注之。又東右納泉水折北安定河出州東北會于河出州東南合西北流注之。又北經西甯縣東注桑乾河。桑乾河又東經府治西南又經保安州南。又經懷來縣西受東陽河。河一作洋河即于延水自張家口廳南流入界。經懷安縣西北柴溝堡。西陽河自天鎮縣東流來會。又東經會河堡南。陽河亦自天鎮縣東北流來會。為燕尾河。又東經萬全縣西南孫才溝即樺林溝。西沙河即青陽溝俱自張家口廳西南流注之。又東新河出塞外南流注之。又東愛陽河亦

自塞外南流注之。經縣南又東。東沙河亦自塞外南流注之。又東水溝口河自天鎮縣來東北流環懷安縣治又東北流注之。又東清水河自塞外西南流注之。又經府治西柳河川自塞外來經龍門縣西西南流注之。經府治南又東泥河上游為龍門溝自塞外來經龍門縣西合諸山泉西南流注之。又東南注桑乾河。桑乾河又東折南經懷來縣西南二道河出縣西南匯襟山諸泉東北流注之。又東南受媯河。媯河即清夷水。自延慶州東北黃龍潭西南流經州南又西

沽河出州東北蔡河黑龍河出州西北並南流注之。又西經懷來縣南大沙河石河並南流注之。又西折南注桑乾河。桑乾河又東南由豬窩口入順天府宛平縣界。白河即沽水自北柵口入邊南流。經獨石口廳治右納西柵口水左納東柵口水。又南經赤城縣東。木泉河出縣西北合塞外大石門水東南流注之。又南翦子嶺水出龍門縣東北浩門嶺水出赤城縣南合東北流注之。又東南龍門水出龍門縣西匯諸山泉經縣南東流注之。又東長伸地水出赤城縣東

紅石山南流注之。又經延慶州東北出邊。又東入獨石口廳界。渝河出延慶州東南八達嶺東南流經居庸關入順天府昌平州界。府東界承德府。南界易州。西及西南界山西大同府。北及西北界張家口廳。東北界獨石口廳。東南界順天府。